



03 JAN, 2026

HARGA JATUH MENJUNAM!

Harian Metro, Malaysia

HARGA JATUH MENJUNAM!

Pekebun durian Jelebu berdepan kerugian besar apabila harga merosot teruk di dusun

Oleh Abnor Hamizam
Abd Manap
am@hmetro.com.my

Jelebu

Apa nasib pekebun durian di daerah Jelebu berikutan harga raja buah berkenaan semakin jatuh harganya ketika ini?

Durian Jelebu antara durian yang terkenal berikutan kualiti dan isinya yang lemak manis berbanding durian dari kawasan lain.

Bagaimanapun, ia dibeli peraih pada harga jauh lebih murah berbanding musim buah-buahan sebelum ini.

Durian kampung contohnya dijual pada harga RM2.50

sehingga RM3.00 sekilogram, manakala durian Musang King dijual sekitar RM5 sekilogram.

Pemilik dusun durian Qhamaruzzaman Salim berkata, ketika ini hanya peraih durian yang mendapat untung berikutan harga jualan di dusun jauh lebih murah. "Selain



Pemilik dusun terus dihipit kerugian. Peraih membeli murah daripada kami namun menjualnya pada harga RM10 hingga RM30 sekilogram"

Qhamaruzzaman

dusun durian sendiri seluas 1.6 hektar, saya turut memajak dusun orang lain. Namun sejak dua minggu lalu hasil jualan belum balik mo-

dal.

"Masalah yang berlaku apabila agensi kerajaan tidak banyak membantu bagi mengatasi masalah yang dihadapi ketika ini.

"Kesudahannya yang mendapat keuntungan adalah peraih sedangkan pemilik dusun terus dihipit kerugian. Peraih membeli murah daripada kami namun menjualnya pada harga RM10 hingga RM30 sekilogram di pasaran,"katanya ketika ditemui di dusun miliknya di Kampung Kam-

pai di sini, semalam.

Qhamaruzzaman berkata, berbanding tahun sebelum ini, harga jualan kepada peraih di antara RM5

hingga RM7 sekilogram.

Di samping itu, katanya durian Jelebu antara durian terbaik di negara ini dan tidak hairan apabila ada pihak yang menggunakan nama durian Jelebu biarpun bukan pada musimnya.

Justeru tegasnya agensi seperti Lembaga Pemasaran Pertanian Persekutuan (FAMA) perlu membantu mencari jalan penyelesaian bagi membantu pemilik dusun mengatasi masalah berkenaan.



QHAMARUZZAMAN (tengah) dibantu rakan ketika membersihkan durian di dusun miliknya sebelum dijual kepada pembeli.



03 JAN, 2026

HARGA JATUH MENJUNAM!

Harian Metro, Malaysia

SUMMARIES

QHAMARUZZAMAN (tengah) dibantu rakan ketika membersihkan durian di dusun miliknya sebelum dijual kepada pembeli. Pekebun durian Jelevu berdepan kerugian besar apabila harga merosot teruk di dusun am@hmetro.com.my Jelevu A pa nasib pekebun durian di daerah Jelevu berikutan harga raja buah berkenaan semakin jatuh harganya ketika ini? Durian Jelevu antara durian yang g terkenal berikutan kualiti dan isinya yang lemak manis berbanding durian dari kawasan lain.